

輕鬆網上認購 CPI 投資收息產品第一步 - (影片之文字版本)

現今市場上有唔同嘅收息投資產品選擇，恒生亦有提供一隻低風險同入場門檻較低嘅產品叫做「保本投資存款 (CPI)」。佢最低只需要港幣 5000 蚊，存款期短至一個月，就做到 100% 到期本金保證。大家唔洗特登落分行，冇任何手續費，仲可以喺恒生銀行 e-banking 入面做。

今日呢條短片就會示範下點樣上網認購 CPI，操作上好容易㗎咋！首先你去咗恒生銀行網頁> 投資> 外匯投資> 保本投資存款嘅版面，入面有相關嘅產品介紹，唔想睇咁多字嘅，左面有條片都可以了解得到。

呢度有個綠色嘅掣，叫「查看回報率」，揸落去就可以睇到晒今日有啲咩 CPI 可以買㗎啦。

嚟到呢個版面，會可以用呢個位去篩選有興趣嘅 CPI，譬如話揀番存款貨幣、想掛鈎嘅貨幣組合、唔同嘅投資種類即係睇好、睇淡、區間咁。

咁今次我就簡單啲示範用大家都有嘅港元做存款貨幣 Filter 啦，篩選結果預設係用潛在回報率由高至低去排序。如果有需要，可以係度揀番你鍾意嘅排序，例如做幾耐同最低回報率咁。

原來今日用港元做存款貨幣，可以揀做 1 個月至 9 個月不等，就揀呢隻三個月嘅美式看好澳元繼續示範。

另外，有個分享位，提提大家可以揸入去「回報計算機」睇吓。因為恒生呢度有個好貼心嘅工具，只要輸入個想投資嘅銀碼落去，佢就可以即刻計到到期嘅時候保證會擺嘅最低或者有機會擺嘅最高利息係幾多，仲有張外匯走勢圖幫大家了解嘅唔同情況下嘅回報添。記住 CPI 本金係 100% 到期保證㗎。

睇完「回報計算機」之後可以直接揸認購落下一步。

按指示入番個人 e-banking 嘅登入資料之後，系統就會帶你嚟到呢個版面，入番最終想投資幾多錢，再揀番扣數戶口同埋到期時收本金連利息嘅戶口。再睇埋揀咗嘅 CPI 產品詳情。

記住要 tick 番最低聲明呢到個格仔，代表你已經睇左、清楚明白同同意依家買緊嘅 CPI 詳情及風險披露聲明，再揸「下一步」。

見到呢個綠色嘅 tick 顯示指示已成功設立，即係代表你已經成功落咗單啦，真係幾分鐘就搞掂晒！

如果大家想睇番呢個 CPI 嘅狀態同詳情，可以揸下面呢個「戶口查詢」，或者係左面 menu 投資>保本投資存款>戶口查詢都可以睇得番架。

最後提提大家，除咗示範裏面嘅港幣之外，恒生 CPI 仲有 9 種存款貨幣可以揀。記住佢係 100%到期保本，比你可根據掛鈎貨幣組合的匯率走勢嚟捕捉外匯投資機遇，有機會賺較高嘅息口呀嘛。

另外大家可能搞唔清咩係美式、歐式、方向係看好、看淡定區間投資種類等，又或者係投資新手想了解更多啲啲，甚至想再睇吓啲回報率，都可以喺我哋恒生銀行嘅「保本投資存款」專頁搵到晒你想要嘅資料，唔洗登入都睇到，好方便㗎！

投資涉及風險，外匯價格可升可跌。投資者不應只單獨基於本宣傳品而作出任何投資決定，而應詳細閱讀有關投資產品之銷售文件及風險披露聲明。

保本投資存款之風險披露聲明

- 此乃涉及金融衍生工具的結構性產品。投資決定是由閣下自行作出的，但閣下不應投資在該「保本投資存款」，除非中介人於銷售該產品時已向閣下解釋經考慮閣下的財務情況、投資經驗及目標後，該產品是適合閣下的。投資者於作出任何投資決定前，應參閱有關投資類別之重要資料概要、有關條款表、條款及章則以及風險披露聲明。
- 投資者應注意此產品有別於普通定期存款，故不應被視為一般定期存款或其替代品。
- 此產品並非受保障存款，及不會受香港存款保障計劃的保障。
- 投資於此產品須承受本行的信貸風險。
- 人民幣受限於中國政府的外匯管制，故投資者投資於涉及人民幣的「保本投資存款」將要承受人民幣的貨幣風險。

免責聲明

本短片之內容僅作說明用途，並非亦不應被視為推介或要約或游說投資於本短片內所述之任何投資產品。本短片並不擬提供專業意見，因此不應賴以作為此方面之用途。

重要聲明及互聯網私隱政策聲明

(有關詳情請瀏覽 <https://www.hangseng.com/zh-hk/important-message>)

© 恒生銀行有限公司